



REPUBLIKA E SHQIPËRISË  
ENTI RREGULLATOR I ENERGJISË  
KOMISIONI

Nr \_\_\_\_ Prot.,

Tiranë, më 15.03.2021

Ora: 08.00

**NJOFTIM**

**MBI**

**HAPJEN E PROCEDURËS PËR ZGJEDHJEN E FURNIZUESIT TË MUNDËSISË SË FUNDIT**

Enti Rregullator i Energjisë (ERE), në zbatim të Urdhërit të Kryetarit të ERE nr.21, datë 21.02.2022, njofton të gjithë të licencuarit në aktivitetin e furnizimit për hapjen e procedurës për përzgjedhjen e furnizuesit të mundësisë të fundit (FMF)

Ofrimi i shërbimit të furnizimit me energji elektrike, nga Furnizuesi I Mundësisë së Fundit, sipas legjislacionit në fuqi, ofrohet kur a) furnizuesi tjetër ka ndërprerë furnizimin e energjisë elektrike b) klienti ka shlyer detyrimet ndaj furnizuesit të mëparshëm c) klienti ka dëshmuar pamundësinë e furnizimit me energji elektrike nga furnizues të tjerë.

Sipas Ligjit nr.43/2015 “Për Sektorin e Energjisë Elektrike”, I ndryshuar, FMF është një shoqëri e licencuar për kryerjen e veprimtarisë së furnizimit dhe e ngarkuar me detyrimin e furnizimit të mundësisë së fundit, i cili ofron për një periudhë të kufizuar kohe shërbimin e furnizimit në kushte të rregulluara ndaj klientëve, dhe që i nënshtrohet çmimeve të përcaktuara në përputhje me Metodologjinë e përcaktimit të çmimit të shitjes së energjisë elektrike nga Furnizuesi i Mundësisë së Fundit, të miratuar nga ERE.

1. Ky konkurs zhvillohet në përputhje me nenin 86 të ligjit nr. 43/2015 “Për Sektorin e energjisë elektrike”, i ndryshuar dhe VKM nr. 449, datë 15.6.2016, “Për miratimin e kushteve dhe të procedurave për përcaktimin e furnizuesit të mundësisë së fundit të energjisë elektrike”, si dhe Rregulloren për përcaktimin e kriterëve të vlerësimit dhe të përzgjedhjes së furnizuesit të mundësisë së fundit, miratuar me vendimin e bordit të ERE nr. 141, datë 15.06.2021.
2. Konkursi shpallet dhe organizohet, nga Komisioni i përbërë nga 5 (pesë) anëtarë, në zbatim të Urdhërit të Kryetarit të ERE nr.21, datë 21.02.2022:
  - Kryetari i Komisionit dhe;
  - 4 anëtarë nga Drejtoritë Teknike të ERE-s

### 3. Dokumentat që duhet të paraqesë çdo aplikues:

- a. Ekstraktin e regjistrimit tregtar, nga Qendra Kombëtare e Regjistrimit të lëshuar jo më vonë se 3 muajt e fundit;
- b. Kopje të licencës për furnizimin me energji elektrike për të ushtruar aktivitetin në Republikën e Shqipërisë, të vlefshme për të paktën 3 vitet në vijim;
- c. Përshkrimin e kapaciteteve teknike, organizative, profesionale dhe financiare të shoqërisë, përfshirë pasqyrat financiare të audituara të 3 viteve të fundit;
- d. Dëshmi të nevojshme (kontrata apo dëshmi të transaksioneve) që shoqëria shet, blen dhe furnizon energji elektrike nëpërmjet transaksioneve përkatëse të paktën të vitit të fundit.
- e. Dokumente që vërtetojnë se personi juridik i ka plotësuar detyrimet fiskale dhe të sigurimeve shoqërore, lëshuar nga administrata tatimore jo më herët se 3 muaj nga momenti i dorëzimit;
- f. Dokumentin që vërteton se personi juridik nuk është dënuar me vendim të formës së prerë, që lidhet me aktivitetin e shoqërisë, lëshuar nga institucionet përgjegjëse;
- g. Dokumentin që vërteton se Drejtuesit e shoqërisë apo përfaqesuesi ligjor i personit juridik nuk është në ndjekje penale, lëshuar nga prokuroria;
- h. Informacion të detajuar për aktivitetin e tij, bazuar në kërkesat e përgjithshme, të specifikuar në këtë Rregullore dhe veçanërisht:
  - eksperiencën e tij të mëparshme në aktivitetin e furnizimit dhe kategorinë e klientëve të furnizuar;
  - datën kur është i gatshëm për fillimin e ushtrimit të funksioneve të furnizuesit të mundësisë së fundit.
- i. Dëshmi të sigurimit të ofertës sipas legjislacionit në fuqi

### 4. Kushtet që duhet të plotësojë aplikanti në konkurs:

1. Aplikanti duhet të jetë në gjendje të sigurojë prova për sa në vijim:
  - a. Resurset administrative, teknologjinë e informacionit, sistemet e faturimit dhe burimet njerëzore me aftësinë për të transferuar një numër të madh të të dhënave të klientëve, me përgjegjësi, saktësi dhe në kohën e duhur;
  - b. Treguesit operacionale dhe financiare, të aftë të identifikojnë se cilëve klientë u shërbehen nën kushtet e FMF, dhe cilëve klientë në kushtet e një furnizuesi të energjisë;
  - c. Kapacitetin financiar për të furnizuar me energji elektrike të mjaftueshme shtesë, për të përmbushur kërkesat e klientëve që furnizohen në kushtet e mundësisë së fundit, pa çenuar shërbimin ndaj klientëve të tjerë me të cilët ka nënshkruar kontratë furnizimi.
2. Të garantojë dhe dokumentojë që mund t'u shërbejë klientëve në kushtet e furnizimit të mundësisë së fundit, duke garantuar një shërbim të vazhdueshëm për një periudhë prej gjashtëdhjetë (60) ditësh ose prej 2 vjetesh për klientët që kanë dalë për herë të parë në treg

të liberalizuar. Për këtë qëllim depoziton në aplikim, kontratat e lidhura gjatë vitit të fundit të sigurimit të shërbimit të furnizimit.

5. Komisioni i Vlerësimit, do të vlerësojë Furnizuesit që janë kualifikuar nga Komisioni sipas pikavarazhit më të lartë në kriteret e mëposhtëme:
  - aftësitë e furnizuesit në lidhje me përmbushjen e detyrimit të furnizimit, si Furnizues i Mundësisë së Fundit, duke marrë në konsideratë eksperiencën e furnizuesit në treg dhe referencat përkatëse, kontrata furnizimi të realizuara me sukses, si dhe platformën për menaxhimin e Informacionit, lëshimin e faturave dhe arkëtimin e tyre, si dhe informimin dhe zgjidhjen e mosmarrëveshjeve me klientin.- **maksimumi 50 pikë**
  - propozimin e aplikantit në lidhje me alternativat për kushtet e pagesave.- **maksimumi 20 pikë**
  - kostot administrative me të cilat ofertuesi do të sigurojë shërbimin e FMF -**maksimumi 30 pikë për ofertën me kostot më të ulta**

Komisioni do të zgjedhë midis furnizuesve që kualifikohen për konkurrim, furnizuesin që ka ofertën më të mirë duke ofruar marzhin më të ulët të fitimit në krahasim me aplikuesit e tjerë.

6. Afati i fundit për dorëzimin e ofertës është data 30.03.2022.
7. Afati i fundit për shpalljen e fituesit është data 02.05.2022.
8. Aplikimet duhet të dërgohen në adresën postare të ERE, k-fmf@ere.gov.al brenda orës 16.30 të çdo dite pune por jo më vonë se data 30.03.2022.  
*Nëse Oferta dorëzohet me postë, do të konsiderohet se është dorëzuar rregullisht brenda afatit të Dorëzimit të Ofertave nëse data e shënuar në vulën postare të Zarfeve, e konfirmuar me anë të njoftimit të shërbimit postar, është jo më vonë se Afati i Dorëzimit të Ofertave*
9. Jo më vonë se 5 ditë nga marrja dijeni për skualifikimin, i licencuari i skualifikuar ka të drejtë të ankimojë këtë vendim të Komisionit.
10. Për pyetje në lidhje me aplikimin adresojini në adresën email: [k-fmf@ere.gov.al](mailto:k-fmf@ere.gov.al)